

Nr 108

Stáhtarádi ása hus

ealliguovdasaš doarjagis, mii máksojuvvo boazodoallojagi 2010/2011 ovddas

Addojuvvon Helssegis guovvamánu 18. beaivve 2010

Stáhtarádi mearrádusa mielde, mii lea dahkkojuvvon Eana- ja meahccedoalloministeriija árvalusa vuodul, mearriduvvo eana- ja šaddogárdedoalu riikkadási doarjagiid birra juovlamánu 28. beaivve 2001 addojuvvon lága (1559/2001) 14 §:a 3 momeantta vuodul:

1 §

Heivehansuorgi

Eana- ja šaddogárdedoalu riikkadási doarjagiid birra addojuvvon lága (1559/2001) 14 §:s oaivvilduvvon doarjjan sáhtta máksit Suomas fásta ássi boazoeaiggádiidda stáhta bušeahttaárvalusas jahkái 2010 eana- ja šaddogárdedoalu riikkadási doarjagii čujuhuvvon ruđain boazodoallojagi 2010/2011 ovddas ealliguovdasaš doarjaga nu go dán ása husas mearriduvvo.

2 §

Doarjjaoažžu

Doarjja máksojuvvo jagi 2010 ovddas davidoarjaga birra addojuvvon stáhtarádi ása husas (38/2010) oaivvilduvvon guovlluin C3 ja C4 boazodoaluin bargi dálloaluide.

Dállodollui gehččojuvvojit gullat náittosguimmežat ja dakkár náittosdililágan dilis oktasaš dálloalalus náitalkeahtá bissovaččat ássi olbmot, geat leaba leamaš ovdal náitosis dahje geain lea dahje lea leamaš oktasaš mánná. Dállodollui gullet maiddái ovdalis máinnašuvvon guimmežiid seamma dálloalalus ássi mánát ja biebmománát, geat eai leat deavdán 18 jagi ovdal dan kaleanddarjagi álggu, man ovddas doarjja ohccojuvvo. Dállodoallun gehččojuvvo maiddái juogekahtes jápmibeassi.

Doarjaga sáhtta oažžut, jos dállo dollui gullevaš olbmot dahje dat olbmot, geaid oamastan bohccuid hárrái doarjja ohccojuvvo, eai leat deavdán 65 jagi ovdal dan kaleanddarjagi álgima, man ovddas doarjja ohccojuvvo. Doarjaga oažžuma eaktun lea maiddái dat, ahte doarjjaoažžu galgá mearkut bajás iežas jođihan boazodoalu boaduid ja goluid.

3 §

Doarjjadohkálaš ealihanbohccot

Doarjaga sáhtta oažžut, jos dállo dollui gullevaš olbmot oamastit boazologahallamiid mielde boazodoallolágas (848/1990) oaivvilduvvon boazodoallojagi loahpas uhcimustá 80 ealihanbohcco.

Ealihanbohccuid oamastanvuoigatvuohta ja mearri vuodduvvet boazodoallojagi 2009/2010 hárrái dahkkojuvvon boazologahallamii. Boazodoallojagi 2009/2010 áigge dahkkojuvvon boazogávppit sáhttet váldojuvvot vuhtii doarjaga miedihettiin.

Doarjja ii máksojuvvo dain ealihanbohccuin, mat mannet badjel bálgosiidda dahje daid osolaččaide mearriduvvon alimus lobálaš ealihanboazologuid. Jos bálgosa ealihanboazolohku mánná badjel bálgosiidda mearriduvvon alimus lobálaš ealihanboazologu, de geahpeduvvo dálloaluid doarjjadohkálaš ealihanbohccuid mearri liigebohccuid hárrái seamma gori mielde go dállo-

alut oamastit ealihanbohccuid bálgosis. Jos ealihanboazolohku báhcá uhcibun go 1 momeanttas mearriduvvo, de dálldollui sáhtá liikká miedihuvvot doarjja daid loahppaealihanbohccuid vuodul, jos dálldoalus leat leamaš ovdal geahpedeami ealihanbohccot uhcimustá 1 momeanttas mearriduvvon mearri.

Doarjja ii máksojuvvo maiddái dain ealihanbohccuin, maid osolaš livččii galgan bálgosa dohkkehan jahkásaš njuovvanplánaid mielde njuovvat (*njuovvanreastaboazu*). Jos dálldoaluid njuovvanreastabohccuid mearri lea badjel golbma proseantta ealihanbohccuid mearis, de doarjja ii máksojuvvo dálldollui ollege.

Helssegis guovvamánu 18. beaivve 2010

Eana- ja meahccedoalloministtar *Sirkka-Liisa Anttila*

4 §

Doarjjamearri

Doarjaga sturrodát lea eanemustá 28,50 euro ealihanbohcco nammii.

Ealliguovdasaš doarjaga sáhtá máksit eanemustá 171 100 ealihanbohccos.

5 §

Fápmuiboahdin

Dát ásahus boahtá fápmui guovvamánu 24. beaivve 2010.

Boarráset hálddahuščáli Juha Vanhatalo